

Broj: 05-2461-1/24
Mostar, 13.03.2024. godine

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Prilijeno: 15-03-2024			
Org. jed.	Broj	Priloga	Vrijednost
0511	02-	76	24

**PARLAMENT FEDERACIJE
PREDSTAVNIČKI/ZASTUPNIČKI DOM**
Hamdije Kreševljakovića br. 3
71000 Sarajevo
n/r predsjedavajuće

FEDERALNO MINISTARSTVO PROMETA I KOMUNIKACIJA
Braće Fejića bb
88000 Mostar

PREDMET: Odgovor na zastupničko pitanje – Admir Čavalić,-

U vezi sa vašim dopisom broj: 05/1-02-76/24 od 28.02.2024. godine, dostavljamo vam odgovor na zastupničko pitanje:

Da li je tokom 2024. godine planirana izrada projekta izgradnje brze ceste Sarajevo – Tuzla?

Vlada FBiH je dana 21.12.2023. godine donijela Odluku (V.broj: 1890/2023) o usvajanju Programa utroška sredstava „Kapitalni transferi javnim preduzećima – transfer za izradu Glavnog projekta za izgradnju brze ceste Sarajevo – Tuzla“ utvrđen Budžetom FBiH za 2023. godinu Federalnom ministarstvu prometa i komunikacija. Navedenom Odlukom utvrđen je projekat: **Izrada glavnog projekta za izgradnju brze ceste Sarajevo – Tuzla**, implementator JP Autoceste FBiH u iznosu od 4.500.000 KM.

Prilikom sačinjavanja Plana poslovanja za 2024. godinu, JP Autoceste su razmotrile da li navedeni projekat ispunjava uslove kako bi se moglo ići u aktivnosti raspisivanja tendera za ove namjene. Naime, Transportna Strategija Federacije BiH za period 2015. – 2030. godina je usvojena je od strane Vlade Federacije BiH i postala je sastavni dio Okvirne transportne strategije BiH. Akcioni plan Transportne strategije u definisanoj listi projekata iz cestovne infrastrukture (autoceste, brze ceste, magistralne ceste) nije definisao brzu cestu Sarajevo-Tuzla kao projekat kojeg treba realizovati u definisanom vremenskom okviru. Prijedlog prostornog plana Federacije Bosne i Hercegovine za period 2008.-2028.godine iz 2013. godine kojeg je Predstavnički dom parlamenta FBiH usvojio 2014. godine (Dom naroda FBiH nije razmatrao Prijedlog prostornog plana), također, nije definisao projekat izgradnje brze ceste Sarajevo-Tuzla. Prostornim planom za područje Tuzlanskog kantona za period 2005. – 2025. godina, saobraćajnica Sarajevo-Tuzla definisana je kao **magistralna cesta**, odnosno **nema karakter brze ceste**.



Zbog svega naprijed navedenog nije bilo ni aktivnosti na izradi prethodnih faza projektne dokumentacije (pripadajućih studija, idejnih rješenja i idejnih projekata), koje prethode izradi Glavnog projekta. Samim tim, navedeni projekat nije mogao biti obuhvaćen Planom poslovanja za 2024. godinu JP Autoceste FBiH.

Također, napominjemo da u skladu sa Zakonom o cestama u FBiH upravljanje, građenje, rekonstrukciju, održavanje i zaštitu autocesta i brzih cesta vrši JP Autoceste FBiH, a upravljanje, građenje, rekonstrukciju, održavanje i zaštitu magistralnih cesta vrše Ceste FBiH.

S poštovanjem,

v.d. Direktor:

Denis Lasić



Dostaviti:

1. Naslovu
2. a/a



Identifikacijski broj 4227691540005 PDV broj 227691540005
Glavni račun: Union banka Sarajevo 1020010000014039
Transakcijski račun: Raiffeisen bank dd Sarajevo, glavna filijala Mostar 1610200062470038
Federalna taksa za korištenje autoceste: 1610200062470232 | 3386902296565422
Naknada za korištenje cestovnog zemljišta: 1610200062470135 | 3386902296564549
Registровано u Općinskom sudu u Mostaru, MBS 58-01-0179-10



Bosnia and Herzegovina
Federation of Bosnia and Herzegovina

CANTON SARAJEVO
Cantonal Administration for Inspection Issues

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Broj: 14-02-33-01397/24
Datum: 13. 03. 2024. godine

Primljeno: 15-03-2024			
Org. jed.	Broj	Priloga	Vrijednost
05/1	- 02 -	79	/24

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
PARLAMENT FEDERACIJE BOSNE I HERCEGOVINE
PREDSTAVNIČKI/ZASTUPNIČKI DOM
Ul. Hamdije Kreševljakovića br.3
71000 SARAJEVO
N/r Mirjana Marinković – Lepić, predsjedavajuća

PREDMET: Odgovor na zastupničko pitanje, dostavlja se;
VEZA: Vaš akt, broj: 05/1-02-79/24 od 28.02.2024. godine

Poštovani,

Kantonalna uprava za inspekcijske poslove Kantona Sarajevo, zaprimila je dana 05.03.2024. godine zastupničko pitanje Čavalić Admira, zastupnika u Predstavničkom/Zastupničkom domu Parlamenta Federacije BiH, a koja glase:

"1. Zbog čega se selektivno provodi inspekcijski nadzor u JU Domovi zdravlja Kantona Sarajevo isključivo nad zdravstvenim saradnicima – biolozima, koji su kao stručni kadar – zdravstveni saradnici prepoznati u istom Pravilniku i Zakonu o zdravstvenoj zaštiti, a ne sprovodi se nad magistrima farmacije koji također nisu obuhvaćeni Članom 59?

2. Da li kantonalna zdravstvena inspekcija ima pravo da se miješa u sistematizaciju radnih mjesta i naređuje uvođenje kadra u sistematizaciju shodno svojim nadležnostima koje podrazumijevaju utvrđivanje činjeničnog stanja vezano za poštivanje propisane zakonske regulative, te za utvrđene nepravilnosti i nedostatke izriču propisane mjere i sankcije?

3. Zbog čega je zdravstvenim saradnicima kao stručnom kadru za laboratorijsku dijagnostiku oduzeto pravo na izdavanje i verifikaciju nalaza, a time oduzeta i njihova samostalnost, zbog čega su dobili supervizore, nakon dugogodišnjeg rada i stečenih kvalifikacija u određenim laboratorijskim postupcima kada Zakon o evidencijama u oblasti zdravstva ("Sl.novine Federacije 19/37) jasno definiše u Članu 41: Zdravstveni radnici i zdravstveni saradnici svojim potpisom potvrđuju navode i rezultate pregleda, odnosno drugih zdravstvenih usluga ili medicinskih mjera, koje se evidentiraju u osnovnu medicinsku dokumentaciju?

4. Zbog čega nije izvršen nadzor u pogledu kadra uposlenog u 24 privatna medicinsko-biohemijska laboratorija na području Kantona Sarajevo, a koji su definisani istim Pravilnikom?"

U skladu sa prethodno navedenim, dajemo Vam sljedeću informaciju:

1. Inspeksijski nadzori u JU Dom zdravlja Kantona Sarajevo kantonalna zdravstvena inspekcija provodi kroz redovne i usmjerene inspeksijske nadzore, u skladu sa Zakonima iz oblasti zdravstva i pravilnicima donesenim na osnovu tih zakona. Članom 31. Zakona o zdravstvenoj zaštiti ("Službene novine FBiH", br. 46/10 i 75/13) propisano je da zdravstvena djelatnost predstavlja organizovano pružanje zdravstvene zaštite kroz rad zdravstvenih radnika i zdravstvenih saradnika u okviru zdravstvenih ustanova, odnosno privatne prakse u skladu sa stručno-medicinskom doktrinom i uz upotrebu zdravstvene tehnologije, **a pod uslovima i na način propisan ovim zakonom i propisima donesenim na osnovu ovog zakona.**

Uvjeti pod kojima zdravstvena ustanova može obavljati zdravstvenu djelatnost su propisani u članu 55. Zakona, gdje je definirano da će bliži uvjete u pogledu prostora, opreme o kadra za osnivanje i obavljanje zdravstvene djelatnosti u zdravstvenim ustanovama biti utvrđeni pravilnikom federalnog ministra. Federalni ministar zdravstva je donio Pravilnik o bližim uvjetima prostora, opreme i kadra za osnivanje i obavljanje zdravstvene djelatnosti u zdravstvenim ustanovama ("Službene novine FBiH", broj: 05/20).

Član 59. Pravilnika o bližim uslovima prostora, opreme i kadra za osnivanje i obavljanje zdravstvene djelatnosti u zdravstvenim ustanovama ("Sl. novine FBiH", broj 5/20), koji je donesen na osnovu člana 55. Zakona o zdravstvenoj zaštiti ("Službene novine FBiH", br. 46/10 i 75/13), precizira stručni kadar za laboratorijsku dijagnostiku u zdravstvenim ustanovama, kako slijedi:

- specijalista medicinske biokemije i laboratorijske
- dijagnostike ili inženjer medicinske biokemije drugi
- ciklus visokog obrazovanja, odnosno integrirani
- dodiplomski studij (300 ECTS) ili inženjer
- medicinsko laboratorijske dijagnostike drugi ciklus
- visokog obrazovanja,
- inženjer medicinsko-laboratorijske dijagnostike sa
- završenim prvim ciklusom visokog obrazovanja ili
- viši laboratorijski tehničar,
- laboratorijski tehničar SSS,
- pralja laboratorijskog posuđa.

Biolozi kao propisani kadar za laboratorijsku dijagnostiku u domu zdravlja nisu navedeni u provedbenim propisima.

Prema odredbi člana 59. gore navedenog Pravilnika za specijalistu medicinske biohemije kao uvjet kadra nije navedeno koji dodiplomski studij mora biti završen, te se kao uvjet kadra isključivo traži lice koje ima položen specijalistički ispit za specijalistu medicinske biohemije.

Važeći Pravilnik o specijalizacijama zdravstvenih radnika definira da specijalizacija medicinske biohemije može se dodijeliti doktorima medicine i magistrima farmacije.

Zdravstveni saradnici u Zakonu o zdravstvenoj zaštiti ("Službene novine FBiH", br. 46/10 i 75/13) se pominju u članu 2. stav (2), članu 10. stav (1) tačka 8., članu 31. stav (1), članu 34. stav (2) i stav (4), članu 73., 74., 104., 116., 139., 141., 153., 154. i članu 199.

Kako je naprijed navedeno članom 31. Zakona je propisano da zdravstvena djelatnost predstavlja organizovano pružanje zdravstvene zaštite kroz rad zdravstvenih radnika i zdravstvenih saradnika u okviru zdravstvenih ustanova, odnosno privatne prakse u skladu sa stručno-medicinskom doktrinom i uz upotrebu zdravstvene tehnologije, a pod uslovima i na način propisan ovim

zakonom i propisima donesenim na osnovu ovog zakona, čime se jasno definiira da se rad zdravstvenih radnika i saradnika u okviru zdravstvene djelatnosti odvija pod uslovima i na način kako je decidirano propisi iz oblasti zdravstva.

Zakonom i provedbenim propisima je određeno koji zdravstveni saradnici i u okviru kojih službi/organizacionih jedinica i zdravstvenih djelatnosti učestvuju u pružanju zdravstvene zaštite. Biolozi kao zdravstveni saradnici nisu određeni kao uvjet kadra u provedbenim propisima koji definiraju obavljanja zdravstvene djelatnosti u domovima zdravlja, općim bolnicama, privatnoj praksi i privatnim zdravstvenim ustanovama.

2. Nadalje, članom 194. Zakona o zdravstvenoj zaštiti ("Službene novine FBiH", br. 46/10 i 75/13) propisano je da poslove zdravstveno-inspekcijskog nadzora obavljaju federalni i kantonalni zdravstveni inspektori, te da se zdravstveno-inspekcijski nadzor provodi nad primjenom i izvršavanjem zakona, drugih propisa i **opštih akata** u djelatnosti zdravstva, kao i nadzor nad stručnim radom zdravstvenih ustanova, zdravstvenih radnika, te privatnih zdravstvenih radnika obavlja nadležna uprava za inspekcije

Kantonalna zdravstvena inspekcija kontroliše uvjete kadra koji su propisani propisima iz oblasti zdravstva, a prilikom otklanjanja uočenih nedostataka u pogledu kadra zdravstvena ustanova je dužna da postupi po nalogu inspektora, te obezbijediti uvjete kadra poštujući procedure koja su definirane propisima o radu i radnim odnosima.

Zdravstveni inspektori ne nalažu izmjene sistematizacije, nego nalažu zdravstvenoj ustanovi da se za pružanje zdravstvenih usluga uskladi uvjete kadra koji su propisani propisima iz oblasti zdravstva.

3. Član 41. Zakona o evidencijama iz oblasti zdravstva ("Sl.novine FBiH", broj 19/37) je uopšteni član koji se odnosi na sve zdravstvene radnike i zdravstvene saradnike koje poznaje zakon što se ne odnosi isključivo na zdravstvene saradnike-biologe. Pravilnikom o obliku, sadržaju i načinu vođenja individualnih izvještajnih obrazaca i drugih pomoćnih obrazaca za vođenje evidencije ("Sl.novine FBiH, broj 61/18 i 72/22) Prilog 2. tačno decidira sadržaj laboratorijskog nalaza gdje je tačno definisano da laboratorijski nalaz verifikuje rukovodilac laboratorija (Pečat i potpis). (*Biolozi u provedbenim propisima iz oblasti zdravstva nisu navedeni kao kadar laboratorija*)

Član 41. odnosi se i na zdravstvene saradnike koji su pomenuti npr. kroz čl. 34. Zakona o zdravstvenoj zaštiti gdje kaže da u provođenju pojedinačnih mjera zdravstvene zaštite u zdravstvenoj djelatnosti na primarnom nivou zdravstvene zaštite, a posebno u zdravstvenoj zaštiti radnika, djece predškolskog i školskog uzrasta, te zaštiti mentalnog zdravlja učestvuju i psiholog, socijalni radnik, logoped, surdiaudiolog i edukator-rehabilitator, odnosno drugi stručnjaci za pojedina specifična pitanja te zaštite.

(*Npr psiholog – zdravstveni saradnik u centru za mentalno zdravlje u potpisuje dio nalaza evidentiranih u zdravstvenom kartonu korisnika centra za mentalno zdravlje.*)

4. Privatni medicinsko-biohemijski laboratoriji u pogledu kadra definisan je Pravilnikom o uvjetima za obavljanje privatne prakse, grupne privatne prakse, kao i uvjetima za obavljanje privatne prakse na temelju posebnog ugovora sa zdravstvenom ustanovom ("Sl.novine FBiH", broj 104/13, 16/14 i 66/15).

Kada je u pitanju privatni medicinsko-biohemijski uvjeti kadra su propisani u poglavlju XV Zakona, te odredbama Pravilnika o uvjetima za obavljanje privatne prakse, grupne privatne prakse, kao i uvjetima za obavljanje privatne prakse na osnovu posebnog ugovora sa zdravstvenom ustanovom ("Službene novine FBiH", br. 104/13, 16/14 i 66/15) iz kojih proizilaze drugačiji uvjeti kadra za privatni medicinsko-biohemijski laboratorij, pa tako

pojedinačno nosioc odobrenja za obavljanje privatne prakse u medicinsko-biohemijskom laboratoriju može biti npr. inženjer medicinske biohemije, diplomirani inženjer medicinsko-laboratorijske dijagnostike.

Tokom 2022. i 2023. godine vršeni su pojačani zdravstveno-inspekcijski nadzori u privatnim medicinsko-biohemijskim laboratorijama, gdje se kontrolisala usklađenost prostora, opreme, kadra i evidencija sa propisima iz oblasti zdravstva.

S poštovanjem,



DIREKTOR

Adis Mešić

Dostavljeno:

1. Naslovu
2. a/a

Broj: 01-04-13-01385/2024

Datum: 14.03.2024.godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
PREDSTAVNIČKI DOM

Predsjedavajuća Mirjana Marinković-Lepić

Veza vaš akt br. 05/1-02-79/24 od 28.02.2024.godine

n/p - zastupnik Admir Čavalić

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BiH
GENERALNI SEKRETARIJAT VLADE

n/p- generalna sekretarka mr.sci. Edita Kalajdžić

Bosna i Hercegovina
Federacija Bosne i Hercegovine
PARLAMENT FEDERACIJI
SARAJEVO

Primljeno:		18-03-2024	
Org. jed.	Broj	Priloga	Vrijednost
05/1	- 02-	79	124

PREDMET: Odgovor na zastupničko pitanje, *dostavlja se*

Federalna uprava za inspeksijske poslove zaprimila je dana 05.03.2024.godine akt gornji broj koji je zastupničko/a pitanje/a koje je postavio zastupnik Admir Čavalić na sjednici Predstavničkog doma Parlamenta Federacije Bosne i Hercegovine.

Uvaženi zastupnik obratio se Federalnoj upravi za inspeksijske poslove sa slijedećim pitanjima:

1.Zbog čega se selektivno provodi inspeksijski nadzor u JU Domovi zdravlja Kantona Sarajevo, isključivo nad zdravstvenim saradnicima – biolozima koji su kao stručni kadar – zdravstveni saradnici prepoznati u istom Pravilniku i Zakonu zdravstvenim zaštiti, a ne sprovodi nad magistrima farmacije koji također nisu obuhvaćeni članom 59 ?

2.Da li kantonalna zdravstvena inspekcija ima pravo da se miješa u sistematizaciju radnih mjesta i naređuje uvođenje kadra u sistematizaciju shodno svojim nadležnostima koje podrazumijevaju utvrđivanje činjeničnog stanja vezano za poštivanje propisane zakonske regutative, te za utvrđene nepravilnosti i nedostatke izriču propisane mjere i sankcije ?

3. Zbog čega je zdravstvenim saradnicima kao stručnom kadru za laboratorijsku dijagnostiku oduzeto pravo na izdavanje i verifikaciju nalaza, a time oduzeta i njihova samostalnost, zbog čega su dobili supervizore, nakon dugogodišnjeg rada i stečenih kvalifikacija u određenim laboratorijskim postupcima kada Zakon o evidencijama u oblasti zdravstva („Službene novine Federacije BiH“, broj: 37/12) jasno definiše u članu 41. „Zdravstveni ranici i zdravstveni saradnici svojim potpisom potvrđuju navode i rezultate pregleda, odnosno drugih zdravstvenih usluga ili medicinskih mjera koje se evidentiraju na osnovnu medicinsku dokumentaciju“ ?

4. Zbog čega nije izvršen inspeksijski nadzor u pogledu kadra uposlenog u 24 privatna medicinsko- biohemijska laboratorija na području Kantona Sarajevo, a koji su definisani istim Pravilnikom?

U pripremi odgovora na postavljena pitanja, doprinos je dao Federalni zdravstveni inspektorat i isti daje slijedeće očitovanje:

Federalni zdravstveni inspektor vrši zdravstveno-inspeksijski nadzor u zdravstvenim ustanovama čiji je **osnivač, odnosno suosnivač Federacija BiH**, a kantonalni zdravstveni inspektor u zdravstvenim ustanovama čiji je osnivač kanton, općina, odnosno pravno ili fizičko lice, kao i u privatnoj praksi, shodno članu 194. stav 3. Zakona o zdravstvenoj zaštiti („Službene novine Federacije BiH,“ broj: 46/10).

Članom 65. Zakona o evidencijama u zdravstvu („Službene novine Federacije BiH,“ broj: 37/12), utvrđeno je da se nadzor nad provođenjem ovog zakona, kao i propisa donesenih na osnovu njega, vrši nadležna uprava za inspekcije. Poslove zdravstveno-inspeksijskog nadzora iz stava 1. ovog člana obavljaju federalni i kantonalni zdravstveni inspektori u skladu sa Zakonom o zdravstvenoj zaštiti i Zakonom o inspekcijama FBiH ("Službene novine Federacije BiH", broj:73/14).

Dakle, federalni inspektori nisu zakonom ovlašteni za vršenje nadzora konkretno u JU Domovi zdravlja Kantona Sarajevo.

S poštovanjem,


Dostavljeno:

1 x Predsjedavajuća-Mirjana Marinković-Lepić

1 x zastupnik - Admir Čavalić

1 x Generalna sekretarka Vlade FBiH- mr. sci. Edita Kalajdžić sa 5 (pet) priloga

1 x a/a



DIREKTOR

Mr. Anis Ajdinović